

※讚觀音文：

南無過去正法明如來。現前觀世音菩薩。
成妙功德。具大慈悲。於一身心。現千手眼。
照見法界。護持眾生。令發廣大道心。
教持圓滿神咒。永離惡道。得生佛前。
無間重愆。纏身惡疾。莫能救濟。悉使消除。
三昧辯才。現生求願。咸令果遂。
決定無疑。能使速獲三乘。早登佛地。
威神之力。歎莫能窮。故我一心歸命頂禮。
南無大慈大悲觀世音菩薩。

※楊枝淨水讚：

楊枝淨水，遍灑三千，性空八德利人天，
福壽廣增延，滅罪消愆，火焰化紅蓮。
南無清涼地菩薩摩訶薩（三稱）

※灑淨：

南無大悲觀世音菩薩（三稱）
菩薩柳頭甘露水，能令一滴灑十方，
腥羶垢穢盡蠲除，令此道場悉清淨。
誦大悲咒。南無甘露王菩薩摩訶薩（三稱）

※揭幔：

※爐香讚：

爐香乍爇。法界蒙薰。諸佛海會悉遙聞。
隨處結祥雲。

誠意方殷。諸佛現全身。

南無香雲蓋菩薩摩訶薩（三稱）

※禮佛三拜：

南無常住十方一切諸佛，一切尊法，
一切菩薩賢聖僧。（三稱三拜）

※迎請聖眾：香花迎、香花請、弟子眾等，
一心奉請南無大悲觀世音菩薩、分身現相、
居茲蓮座（三請三禮）

※誦獻座偈：

佛身充滿於法界，普現一切眾生前，
隨緣赴感靡不周，而恆處此菩提座

※讚偈：能觀所觀觀世音 觀見世間苦音聲
人間世事多苦惱 唯念觀音不受難

※開光法語：（讚觀音偈）

觀音菩薩妙難酬。清淨莊嚴累劫修。



三十二應徧塵刹。百千萬劫化閻浮。
瓶中甘露常遍灑。手內楊枝不計秋。
千處祈求千處現。苦海常做度人舟。
南無大悲觀世音菩薩

夫觀世音菩薩者，乃過去正法明如來悲願應世再來也。

因觀世間無常眾苦，求救音聲遍滿人間。
由是乘願倒駕慈航，現萬億身遊化娑婆。
具大慈悲現千手眼，照見法界尋聲救苦，
凡有眾生禮念祈求，當蒙菩薩垂慈護佑。
天災人禍惡疾纏身，莫能救濟必使消除。
永離惡道得生佛前，現生求願咸令果遂。
懇切禮念決定無疑，威神願力歎莫能窮是也！
是則，今日恭為觀世音菩薩聖像安座開光，
乃為隨順眾生，令發廣大道心，成就勝妙功德，
普使早登佛地耶。

菩薩慈光遍照，無處不現真身，一念真誠感應，所求無不滿願。

**【觀音無上妙智力 能救世間諸苦厄
應化人間隨處現 志心禮念在眼前】**

則今日開光一句又作麼生道呢？

**【真如界內不染塵 佛事門中萬法生
悟得三諦歸一貫 不妨朱筆點虛空】**

執巾云：此巾本有妙功用能除塵勞顯性光；
光明從此遍照處，化導人心自性功。

執筆云：點開聖像千手眼六根光明照十方；
眾生蒙光福慧增，所作如願心自安。

執鏡云：大圓鏡中現金容尋聲救苦遍十方；
護法檀那皈信奉，合家安平萬事隆。

開！

※三皈依：自皈依佛當願眾生，
體解大道發無上心。
自皈依法當願眾生，
深入經藏智慧如海。
自皈依僧，當願眾生，
統理大眾，一切無礙。

和南聖眾。

※**迴向**：開光功德殊勝行，無邊福勝皆迴向
普願沉溺諸眾生，速往無量光佛剎，
十方三世一切佛，一切菩薩摩訶薩，
摩訶般若波羅密

※**禮誦妙法蓮華經觀世音菩薩普門品**
姚秦三藏法師鳩摩羅什譯

楊枝淨水讚：

楊枝淨水遍灑三千。性空八德利人天。
福壽廣增延。滅罪消衍。火焰化紅蓮。
南無清涼地菩薩摩訶薩。 三稱

淨身業真言

唵修哆唎。修哆唎。修摩唎。修摩唎。薩婆訶。

淨口業真言

唵修唎。修唎。摩訶修唎。修修唎。薩婆訶。

淨意業真言

唵·縛日囉怛訶賀斛

安土地真言

南無三滿哆。沒駝喃。唵度魯度魯地尾。
薩婆訶。

普供養真言

唵。耶耶囊。三婆縛 伐日縛斛。

法華偈

六萬餘言七軸裝。無邊妙義廣含藏。
白欲齒邊流舍利。
紅蓮舌上放毫光。喉中甘露涓涓潤。
口內醍醐滴滴涼。
假饒造罪過山獄。不須妙法兩三行。

開經偈

無上甚深微妙法。百千萬劫難遭遇。
我今見聞得受持。願解如來真實義。

南無大悲觀世音菩薩。

南無大悲觀世音菩薩。

南無大悲觀世音菩薩。

爾時無盡意菩薩。即從座起。偏袒右肩合掌向
佛而作是言。世尊。觀世音菩薩以何因緣。名

觀世音。佛告無盡意菩薩。善男子。若有無量百千萬億眾生。受諸苦惱。聞是觀世音菩薩。一心稱名觀世音菩薩。即時觀其音聲。皆得解脫。若有持是觀世音菩薩名者。設入大火。火不能燒。

由是菩薩威神力故。若為大水所漂。稱其名號。即得淺處。若有百千萬億眾生。為求金銀琉璃磔瑪瑙珊瑚琥珀真珠等寶。入於大海。假使黑風吹其船舫。漂墮羅剎鬼國。其中若有乃至一人。稱觀世音菩薩名者。是諸人等皆得解脫羅剎之難。以是因緣。名觀世音。若復有人。臨當被害。稱觀世音菩薩名者。彼所執刀杖。尋段段壞。而得解脫。若三千大千國土。滿中夜叉羅剎。

欲來惱人。聞其稱觀世音菩薩名者。是諸惡鬼尚不能以惡眼視之。況復加害。設復有人。若有罪。若無罪。鈕械枷鎖檢繫其身。稱觀世音菩薩名者。皆悉斷壞。即得解脫。若三千大千

國土。滿中怨賊。有一商主。將諸商人。齎持重寶。經過險路。其中一人作是唱言。諸善男子。勿得恐怖。汝等應當一心稱觀世音菩薩名號。是菩薩能以無畏施於眾生。汝等若稱名者。於此怨賊。當得解脫。眾商人聞俱發聲言南無觀世音菩薩。稱其名故。即得解脫。

無盡意。觀世音菩薩摩訶薩威神之力。巍巍如是若有眾生。多於淫欲。常念恭敬觀世音菩薩。便得離欲。若多瞋恚。常念恭敬觀世音菩薩。便得離瞋。若多愚癡。常念恭敬觀世音菩薩。便得離癡。無盡意。觀世音菩薩。有如是等大威神力。多所饒益。是故眾生。常應心念。若有女人。設欲求男。禮拜供養觀世音菩薩。便生福德智慧之男。設欲求女。便生端正有相之女。宿植德本。眾人愛敬。無盡意。觀世音菩薩有如是力。若有眾生恭敬禮拜觀世音菩薩。福不唐捐。是故眾生。皆應受持觀世音菩薩名號。

無盡意。若有人受持六十二億恆河沙菩薩名字。復盡形供養飲食。衣服。臥具。醫藥。於汝意云何。是善男子。善女人功德多不。無盡意言。甚多世尊。佛言。若復有人。受持觀世音菩薩名號。乃至一時禮拜供養。是二人福。正等無異。於百千萬億。劫不可窮盡。無盡意。受持觀世音菩薩名號。得如是無量無邊福德之利。無盡意菩薩白佛言。世尊。觀世音菩薩。云何遊此娑婆世界。云何而為眾生說法。方便之力。其事云何。佛告無盡意菩薩。善男子。若有國土眾生。

應以佛身得度者。觀世音菩薩。即現佛身而為說法。

應以辟支佛身得度者。即現辟支佛身而為說法。

應以聲聞身得度者。即現聲聞身而為說法。

應以梵王身得度者。即現梵王身而為說法。

應以帝釋身得度者。即現帝釋身而為說法。

應以自在天身得度者。即現自在天身而為說法。
應以大自在天身得度者。即現大自在天身而為說法。

應以天大將軍身得度者。即現天大將軍身而為說法。

應以毘沙門身得度者。即現毘沙門身而為說法。

應以小王身得度者。即現小王身而為說法。

應以長者身得度者。即現長者身而為說法。

應以居士身得度者。即現居士身而為說法。

應以宰官身得度者。即現宰官身而為說法。

應以婆羅門身得度者。即現婆羅門身而為說法。

應以比丘。比丘尼。優婆塞。優婆夷身得度者。
即現比丘。比丘尼。優婆塞。優婆夷身而為說法。

應以長者。居士。宰官。婆羅門婦女身得度者。
即現婦女身而為說法。

應以童男童女身得度者。即現童男童女身而為說法。

應以天龍夜叉。乾闥婆。阿脩羅。迦樓羅。緊那羅。摩羅伽。

人非人等身得度者。即皆現之而為說法。
應以執金剛神得度者。即現執金剛神而為說法。
無盡意。是觀世音菩薩。成就如是功德。以種種形遊諸國土。度脫眾生。是故汝等。應當一心供養觀世音菩薩。是觀世音菩薩摩訶薩。於怖畏急難之中。能施無畏。是故此娑婆世界。皆號之為施無畏者。

無盡意菩薩白佛言。世尊。我今當供養觀世音菩薩。即解頸眾寶珠瓔珞。價值百千兩金。而以與之作是言。仁者。受此法施。珍寶瓔珞。時觀世音菩薩。不肯受之。無盡意復白觀世音菩薩言。仁者愍我等故。受此瓔珞。

爾時佛告觀世音菩薩。當愍此無盡意菩薩。及四眾天龍夜叉。乾闥婆。阿脩羅。迦樓羅。緊那羅。摩侯羅伽。人非人等故。受是瓔珞。即時觀世音菩薩愍諸四眾。及於天龍人非人等。受其瓔珞。分作二分。一分奉釋迦牟尼佛。一

分奉多寶佛塔。無盡意。觀世音菩薩有如是自在神力。遊於娑婆世界。

爾時無盡意菩薩以偈問曰。
世尊妙相具。我今重問彼。佛子何因緣。
名為觀世音。具足妙相尊。偈答無盡意。
汝聽觀音行。善應諸方所。弘誓深如海。
歷劫不思議。侍多千億佛。發大清淨願。
我為汝略說。聞名及見身。心念不空過。
能滅諸有苦。假使興害意。推落大火坑。
念彼觀音力。火坑變成池。或漂流巨海。
龍魚諸鬼難。念彼觀音力。波浪不能沒。
或在須彌峰。為人所推墮。念彼觀音力。
如日虛空住。或被惡人逐。墮落金剛山。
念彼觀音力。不能損一毛。或值怨賊繞。
各執刀加害。念彼觀音力。咸即起慈心。
或遭王難苦。臨刑欲壽終。念彼觀音力。
刀尋段段壞。或囚禁枷鎖。手足被鈕械。
念彼觀音力。釋然得解脫。咒詛諸毒藥。

所欲害身者。念彼觀音力。還著於本人。
或遇惡羅刹。毒龍諸鬼等。念彼觀音力。
時悉不敢害。若惡獸圍繞。利牙爪可怖。
念彼觀音力。疾走無邊方。蚺蛇及蝮蝎。
氣毒煙火然。念彼觀音力。尋聲自迴去。
雲雷鼓掣電。降雹澍大雨。念彼觀音力。
應時得消散。眾生被困厄。無量苦逼身。
觀音妙智力。能救世間苦。具足神通力。
廣修智方便。十方諸國土。無刹不現身。
種種諸惡趣。地獄鬼畜生。生老病死苦。
以漸悉令滅。真觀清淨觀。廣大智慧觀。
悲觀及慈觀。常願常瞻仰。無垢清淨光。
慧日破諸暗。能伏災風火。普明照世間。
悲體戒雷震。慈意妙大雲。澍甘露法雨。
滅除煩惱焰。諍訟經官處。怖畏軍陣中。
念彼觀音力。眾怨悉退散。妙音觀世音。
梵音海潮音。勝彼世間音。是故須常念。
念念勿生疑。觀世音淨聖。於苦惱死厄。
能為作依怙。具一切功德。慈眼視眾生。

福聚海無量。是故應頂禮。

爾時持地菩薩即從座起。前白佛言。世尊。若有眾生。聞是觀世音菩薩品自在之業。普門示現神通力者。當知是人功德不少。佛說是普門品時。眾中八萬四千眾生。皆發無等等。阿耨多羅三藐三菩提心。

※佛前大供：

戒定真香 焚起衝天上 弟子虔誠 蕪在金鑪放
頃刻紛紜 即徧滿十方 昔日耶輸免難 消災障
南無香雲蓋菩薩摩訶薩、南無香雲蓋菩薩摩訶
薩、南無香雲蓋菩薩摩訶薩、南無靈山會上佛
菩薩、南無靈山會上佛菩薩、南無靈山會上佛
菩薩

南無常住十方佛

南無常住十方法

南無常住十方僧

南無本師釋迦牟尼佛

南無消災延壽藥師佛

南無極樂世界阿彌陀佛

南無當來下生彌勒尊佛

南無十方三世一切諸佛

南無大智文殊師利菩薩

南無大行普賢菩薩

南無大悲觀世音菩薩

南無大勢至菩薩

南無清淨大海眾菩薩

南無大願地藏王菩薩

南無護法諸天菩薩

南無伽藍聖眾菩薩

南無歷代祖師菩薩

南無大聖緊那羅王菩薩 【以上重複三遍】

曩謨薩嚩怛他誡多 嚩嚩枳帝唵 三跋囉 三跋
囉 吽 【三遍】

曩謨蘇嚩婆耶怛他誡多耶怛姪他 唵 蘇嚩蘇嚩
鉢囉蘇嚩鉢囉蘇嚩 娑婆訶 【三遍】

此食色香味 上供十方佛 中奉諸聖賢下及六道
品等施無差別

隨願皆飽滿 令今施者得無量波羅蜜三德六味
供佛及僧

法界有情普同供養

唵 誡誡曩 三婆嚩 伐日囉斛 【三遍】

南無大乘常住三寶 【三遍】

天廚妙供 禪悅酥醅 戶唵蘇嚕薩哩嚩怛他阿誡
多怛你也他

蘇嚕娑嚩訶

南無禪悅藏菩薩摩訶薩 摩訶般若波羅蜜